

illum accedere nequiverit, possit mittere alium nomine suo, qui fungatur vicibus suis ad Conventum Ecclesie vacantis, ac congreget omnes vocem habentes, & eligant Priorem, in qua electione vocem, etiam habeat ipse Prior generalis, vel eius Vicegerens, si dicta Ecclesie presens fuerit: In subrogando autem Visitatore fervetur ordo consuetus, ut Capitulum Sancti Georgii in Alega cum Patribus novem eligant.

**Clausula.** §.3. Necnon voluntatem, Statutum, Ordinationem, & declarationem nostra hujusmodi, ac presentes literas nullo unquam tempore revocari posse, sed semper valida, & efficacia existere, illaque suos plenarios effectus sortiri, ac ab omnibus inviolabiliter observari: Sicque per quoscumque Judices, Commissarios, etiam causarum Palatii Apostolici Auditores, & Sanctae Romanae Ecclesiae Cardinales, etiam de latere Legatos, necnon etiam Locorum ordinarios, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & diffiniri debere, ac quidquid secus super his a quoquam quavis auctoritate scienter, vel ignoranter attentari contigerit, irritum, & inane decernimus.

**Delegatio E-  
sequutorum.** §.3. Quocirca venerabilibus fratribus Patriarchis, Archiepiscopis, Episcopis, ac dilectis filiis eorum Vicariis in spiritualibus, & officialibus generalibus, nec non dictae Congregationis, & aliis Abbatibus, & Prioribus, & aliis, ad quos spectat, & spectabit quomodolibet in futurum, per eandem presentes committimus, & mandamus, quatenus ipsi, vel duo, aut unus eorum ubi, & quando expedierit, & quoties pro parte Congregationis, aut Canonicorum hujusmodi, seu alicujus eorum fuerint requisiti, per se, vel alium, seu alios faciant auctoritate nostra presentes nostras literas ab omnibus inviolabiliter observari: Contradictores quoslibet, & rebelles per sententias, censuras, & poenas Ecclesiasticas aliaque opportuna juris, & facti remedia, appellatione postposita, compescendo.

**Derogatio  
contrariorum.** §.4. Non obstantibus Constitutionibus, & Ordinationibus Apostolicis, ac Congregationis hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Congregationi, illiusque superioribus, & personis, & quibusvis aliis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in contrarium quomodolibet concessis, approbatis, confirmatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad

verbum nihil penitus omisso, ac servata eorum forma, infererentur presentibus, pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romae apud Sanctum Marcum sub Annulo Piscatoris die 15. Julii 1587, Pontificatus nostri Anno III.

Dat. die 15.  
Julii 1587.  
An.III.

XCIV.

Confirmatio gestorum in Dieta in Monasterio de Pace de Urbe habita pro Congregatione Lateranen.

Ex Regest. in  
Secret. Brev.

SIXTUS PAPA QUINTUS

Ad perpetuam rei memoriam.

§.1. Licet Capitulum Generale dictorum filiorum Canonicorum Regularium Ordinis S. Augustini Congregationis Lateranen., singulo quoque triennio per illum Rectorem generalem, & Diffinitores, Abbates, Praelatos, & Socios Capitulares juxta Ordinationes, & literas fecerunt Gregorii Papae XIII. Praedecessoris nostri post tertiam Dominicam a festo Paschalis Resurrectionis Domini Nostri Jesu Christi sequentem celebrari debeat, nihilominus id hoc anno adveniente sine triennio, & instante tempore dicti generalis Capituli, de more solito congregandi, Communiis dicti Ordinis ad Monasteria, & loca eidem Congregationi subiecta visitandum, & causas propter quas ipsa Monasteria, seu Abbates, & Priores illorum onera eis incumbenda solvere cessarunt cognoscendum, transmissis, rationabilibus causis celebrari non valuit, & loco ejusdem Capituli Generalis de consensu Venerabilis fratris Marci Antonii Episcopi Praenestini Cardinalis Columnae nuncupati, ac dictae Congregationis Protectoris, qui Nobis dicta impedimenta significaverit, & praecipue de nostra licentia, verbo concessa, per dilectos filios Petrum Franciscum Rivam Veronen. Rectorem Generalem, & Diffinitores quarta Dominica post dicta festa Paschalia in Monasterio Beatae Mariae Pacis de Urbe dictorum Ordinis, & Congregationis dicta habita fuit.

Cum Generale Capitulum cog. nequiverit de licentia PP. celebrata est Dieta.

§.2. In qua, ut Nobis relatum est, idem Rector, & Diffinitores dilectum filium Andream Cremonen. in Visitatorem, & plures alios in Abbates Monasteriorum S. Petri de Pado Cremonen., S. Modesti de Benevento, ac S. Viti prope, & extra Muros Mantuan., & Priorem S. Mariae de Creta creaverunt, & deputarunt, & alia tractarunt, & gesserunt, quae dictae Congregationi duxerunt expedire.

In ea electus Visitator Generalis, nonnulli Abbates, & Priores.

§.3. Et post hanc dietam quond. Cherubinus

nus Reparus dicti Monasterii Beatae Mariae Abbas, & ipsius Congregationis Procurator Generalis in ultimo Capitulo in Civitate nostra Ravennaten. celebrato insolidum cum dicto Rectore generali, & cum amplis facultatibus in actis Hieronymi a Porta Notarii publici Ravennaten. die trigesima Aprilis anni Dom. millesimi quingentesimi octuagesimi quarti nuper diem clausit extremum, & dictum mandatum ad triennium dumtaxat factum expiravit; unde negocia, lites, & Cause dictae Congregationis vix tractari, expediri, & legitime defendi posse videntur, ut magnum inde potest damnnum, & incommodum resultare.

§.4. Cupientes itaque ejusdem Congregationis indemnitati consulere, ipsamque specialibus favoribus, & gratis proficui, ac dicti Marci Antonii Episcopi, & Cardinalis supplicationibus hac in parte inclinati, ex certa nostra scientia, & de Apostolica potestatis plenitudine, creationem, & denominationem Visitatoris, Abbatum, & Prioris praedictorum, & quaecumque in ipsa Dieta gesta Apostolica auctoritate tenore praesentium approbamus, illaque de voluntate, & consensu nostro facta fuisse, & plenissimum firmitatis robur habere decernimus, perinde ac si in ipso Capitulo generali legitime celebrato praemissa omnia gesta fuissent. Alios quoque Visitatores, Abbates, Priores, Praepositos, ceterosque Praelatos, & Officiales Monasteriorum, & locorum dicti Ordinis nunc existentes, cum omnibus facultatibus, & jurisdictionibus solitis, & consuetis confirmamus, & quatenus opus sit, de novo deputamus, ita ut eorum officium, gubernium, administrationem, & regimen donec in primo Capitulo generali de aliis officialibus, ut moris est, per Congregationem ipsam provisorium fuerit, exercere, ac continuare valeant.

§.5. Et insuper ne defectu dicti mandati generalis, vel propter dubium illius validitatis, ipsa Congregatio, aut ejus Monasteria in suis negociis, rebus, litibus, & causis damnnum, vel praedictum, aut impedimentum aliquod patiantur, vel incurrant, immo ut possint omnia incumbenda utiliter expedire, & praesertim ut contractus, qui nomine dictae Congregationis cum dilecto filio Jo. Baptista Lurago, & quondam Pompilio fratribus germanis super extinctione censuum valoris quadringentorum millium scutorum auri celebrati, & per Nos in forma Brevis die 13. Mensis Jul. 1587. confirmati fuerunt, adimpleri, eidem Petro Franciscum, quem in Rectorem Generalem, atque Procuratorem, & Administratorem dictae Congregationis suorumque Monasteriorum, bonorum, & jurium confirmamus, & de novo deputamus ad eandem omnes facultates, & auctoritates, quae in dicto Instrumento Mandati ex actis ipsius Hieronymi confecto, cujus tenorem, ac si de verbo ad verbum infereretur presentibus, haberi volumus pro expresso, plenius continetur, ac ad omnia, & singula negocia, res, lites, & causas active, &

passive, necnon ad omnia, & singula Congregationem ipsam; suaque Monasteria, & loca, ac eorum quodlibet concernentia, & demum omnia in dicto Mandato contenta tractandum, & expediendum, ac quoscumque veteres census redimendum, & novos utilior conditione creandum, & vendendum super quibuscumque dictorum Monasteriorum bonis, & alia faciendum pro dicti contractus cum Joanne Baptista, & Pompilio praedictis adimplemento necessaria, & opportuna, ipsamque Petrum Franciscum quo ad praemissa omnia, & singula in locum dicti Cherubini ponimus, & subrogamus, & insuper eidem Petro Franciscum, & duobus Visitatoribus quocumque Procuratorem totius Ordinis praedicti generalem cum eademmet auctoritate, & mandato, quae ei solet conferri per Capitulum generale, prout in actis ipsius Capituli generalis, per dictum Hieronymum authenticatis constat.

§.5. Et Abbates, Priores, Praepositos, Praelatos, & Officiales in locum Defunctorum, & vacantium prout necessitas, vel occasio postulabit, usque ad Capituli generalis celebrationem juxta eorum Constitutiones, necnon factio prius verbo cum dicto Marco Antonio Episcopo Cardinale Protectore dictae Congregationis, & de ejus consensu quoscumque Praelatos, Abbates, Priores, Praepositos, sive quoscumque alios quovis nomine nuncupatos superiores ad regimen quorumlibet Monasteriorum quomodocumque vacantium, etiam non expectata illorum renuntiatione, si actu Praelati fuerint, aut Abbates, seu Priores eligendi, & deputandi, seu electos confirmandi, etsi ita expedire visum fuerit, pro quiete subditorum, aut utilitate Monasteriorum praedictorum de consensu Protectoris, & duorum Visitatorum praedictorum quocumque Abbatem, Priorem, Praepositum, aut alium superiorem a regimine unius Monasterii amovendi, & ad alterius regimen, & gubernium transmittendi, plenam, & amplam auctoritatem concedimus, & impartimur.

§.6. Decernentes omnia, & singula gesta, & gerenda per ipsum Petrum Franciscum, & ab eo desuper substituendos in quibuscumque contractibus, distractibus, rebus, negociis, & litibus perpetuo valida, & efficacia, ac legitima fore, suosque effectus sortiri debere.

§.7. Praeterea literas eidem Congregationi a Nobis in forma Brevis contra eos, qui onera suorum Monasteriorum a praedicta Congregatione imposita non solvissent, anno proximo praeterito concessas, & emanatas executioni demandari nolumus, earumque effectum pro hac vice tantum omnino suspendimus, donec, & quousque per Marcum Antonium Episcopum, & Cardinalem, ac Petrum Franciscum, necnon Visitatores, & Commissarios praedictos de mandato nostro eandem Congregationem visitantes, cause propter quas onera hujusmodi per eos soluta non fuerint, cognite sint

Nonnullas ei concedit facultates.

Validitatem addit, quae ab eo heri contingeret.

Constitutionem suam de solvendis oneribus Monasteriorum suspendit.

sint, & pro veris, legitimis, & necessariis reperta fuerint. Et quod nullo unquam tempore Abbates, Priores, Prepositi, seu quocumque alio titulo nuncupati Praelati, Ministri, & Officiales, qui propter legitimas, & rationabiles causas per Protectorem, Generalem, & Commissarios sua onera solvere non potuisse reperti fuerint, molestari, seu perturbari occasione dictarum nostrarum literarum a quocumque Iudice, & a Sede Apostolica delegato possint, omni penitus contradictione, & oppositione remotis.

Clausula.

§.8. Sicque per quoscumque Iudices, & Commissarios ordinarios, & delegatos, etiam Causarum Palatii Apostolici Auditores, ac S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, ubi que iudicari, & definiti debere, irritum quoque, & inane decernimus, si secus super his a quoquam quavis auctoritate scienter, vel ignoranter contigerit attentari.

Derogatio contrariorum

§.9. Non obstantibus Constitutionibus, & Ordinationibus Apostolicis, usibus, & naturis dictae Congregationis, ac etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indulgentiis, & literis Apostolicis ipsi Congregationi, illiusque, ac dictorum Monasteriorum Superioribus, sub quibuscumque tenoribus & formis, ac cum quibusvis clausulis, & decretis, etiam irritantibus, etiam Motu proprio, ac consistorialiter, ac alias in contrarium quomodolibet concessis, approbatis, & innovatis. Quibus omnibus, etiam si de illis, illorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda foret, illorum tenores presentibus pro expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Dat. die 1. Augusti 1587 An.III.

Datum Romae apud S. Marcum, sub Annulo Piscatoris die 1. Augusti 1587, Pontificatus nostri Anno III.

Ex Regest. in Secret. Breu.

XCV.

Statutum, quod libri linguae Arabicae, Turcicae, Persicae, & Caldaicae etiam Sacrae Theologiae, & quaecumque facultatum imprimendi, ante quam imprimantur debeant per Cardinales super Congregatione Indicis deputatos examinari, & corrigi &c.

SIXTUS PAPA V.

Ad perpetuam rei memoriam.

Gregor. XIII. Grammaticas linguarum Arabicae, Turcicae, Persicae, & Chaldaicae imperius iussit pro Collegiis a se erectis.

§. Alias fel. rec. Gregorius Papa XIII. Praedecessor noster dilectum filium nostrum Ferdinandum Sanctae Mariae in Viata Diaconum Cardinalem de Medicis nuncupatum Protectorem linguae Arabicae con-

stituit, & deputavit, eique, ut praedictae, ac Turcicae, Persicae, & Caldaicae linguarum usus, & exercitium in Collegiis ab eodem Praedecessore in Urbe institutis quanto citius introducerentur, grammaticales Institutiones, & dictionaria ipsarum linguarum fideliter conscribi, & exarari, conscriptaque, & exarata, & alios libros linguis praedictis compilatos, & compilandos, ac interpretandos imprimi, & Typis excudi faciendi curam demandavit, prout in literis ipsius Praedecessoris in forma Brevis desuper confectis plenius continetur.

Hinc alii etiam Libris-cri compati sunt a Cardinale de Medicis.

§.2. Cum autem, sicut accepimus, hoc negotium, spatio quatuor annorum, & ultra, non sine dicti Ferdinandi Cardinalis maxima impensa, ac laboribus, & vigiliis personarum ab eodem Ferdinando Cardinale ad hoc deputatarum eo redactum sit, quod non solum praedicti, sed etiam omnes alii libri praedictarum, & aliarum partium Orientalium linguarum etiam Sacri, & quaecumque aliarum facultatem de facili imprimi poterunt.

Cavet itaque Sixtus, ne tales Libri imprimantur in conspectu Sac. Congregationis Indicis.

§.3. Nos sperantes, quod ex huiusmodi impressione librorum, & dictarum linguarum apud Christianifideles cognitione, in partibus Infidelium fides Catholica, quae antiquis temporibus inibi floruit, verbi Dei praedicatione, dictorumque librorum lectione, dante Domino, restitui poterit: Ac propterea tam laudabile, & Reipublicae Christianae saluferum opus, quantum in Nobis est, confovere, utque praemissa omnia quanto citius, & sub ea, qua decet correctione, sublatis impedimentis quibuslibet, publicari, & in lucem poni possint, providere volentes, Motu proprio, non ad alicujus super hoc oblatae Nobis petitionis instantiam, sed ex certa scientia nostra volumus, & Apostolica auctoritate statuimus, & ordinamus, quod libri praedictarum linguarum etiam Sacrae Theologiae, & utriusque Juris scientiae, nec non aliarum quaecumque facultatum de cetero imprimendi, antequam imprimantur, a dilectis filiis Sanctae Romanae Ecclesiae Cardinalibus, & aliis personis super Congregatione Indicis a Nobis, & Successoribus nostris deputatis, & deputandis examinentur, & corrigantur, qui sic examinati, & correcti possint a Deputatis ab eodem Ferdinando Cardinale libere, & absque alicujus impedimento imprimi, ac impressi ubique locorum teneri, legi, & vendi.

Clausula.

§.4. Decernentes Deputatos ab eodem Ferdinando Cardinale super praemissis per quoscumque quomodolibet molestari, perturbari, seu inquietari non posse, irritum quoque, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrariorum

§.5. Non obstantibus Constitutionibus, & Ordinationibus Apostolicis, ac privilegiis, indulgentiis, & literis Apostolicis quibusvis personis etiam ejusdem Sanctae Romanae Ecclesiae Cardinalibus, etiam motu, & scientia similibus, etiam consistorialiter, ac alias in contrarium quomodolibet concessis, approbatis, & innovatis. Quibus omnibus, etiam si de illis, illorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda foret, illorum tenores presentibus pro expressis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

cessis, approbatis, & innovatis. Quibus omnibus etiam si de illis, eorumque totis tenoribus specialis, specifica, & expressa mentio habenda esset, tenores huiusmodi acti de verbo ad verbum infererent, praesentibus, pro expressis, & insertis habentes: illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Dat. die 5. Augusti 1587 An.III.

Datum Romae apud S. Marcum sub Annulo Piscatoris die 5. Augusti 1587. Pontificatus nostri Anno III.

XCVI.

De Constitutionibus Pii IV. & Pii V. circa Confidentias beneficiales editis, in Regno Galliae exequendis, cum moderatione poenarum.

Hanc Bullam Pii IV. n.99. habes in Tom. IV. P.II. fol.190. Romanum & Pii V. n.107. habes in T.IV. P.III. Intolerabiles fol.67. Et de materia confidentiarum. & Simoniarum beneficium vid. Superius in Con. LXXI. Divina sup. fol.270.

SIXTUS EPISCOPUS SERVUS SERVORUM DEI Ad perpetuam rei memoriam.

Proemium.

Pastoralis officii sollicitudo Nos admo- net, ut quae ad Dei laudem, animarumque salutem a Praedecessoribus nostris provide statuta fuisse noscuntur, debita executioni demandari curemus, & si quando opus sit, illa etiam moderentur, prout per se in Domino conspiciamus salubriter expedire.

Pii IV. Bulla est cit. in rub.

§.1. Sane felices recordationis Pius Papa Quartus Praedecessor noster, ad tollendam fiduciarum mancipationis beneficiorum Ecclesiasticorum corruptelam, statuit, & decrevit &c. Omittitur residuum huius narrationis, quia ipsa est citata in rub.

Pii V. Bulla est cit. in rub.

§.2. Et deinde recolendae memoriae Pius Papa Quintus etiam Praedecessor noster, ad tam nefarium crimen facilius detegendum, & profligandum, similiter statuit, & decrevit &c. Omittitur residuum huius narrationis, quia bulla citata est in rub.

Hic modo Pontifex mandavit in Regno Franciae dictas Bullas executioni demandari ab Ordinariis &c.

§.3. Cum autem sicut accepimus, literae praedictae in Regno Galliae ob temporum injuriam, aliasque varias subortas difficultates, diversaque impedimenta adhuc debita executioni non fuerint demandatae, ac propterea, tam perniciosum confidentiae vitium, quod celeriter extirpari, & eradicari oportuerat, in dies magis serpere, ac propagari noscatur in maximum animarum periculum, ac scandalum plurimorum. Nos ad hanc corruptelam e Regno illo, quod non ita dudum omni Christianarum virtutum genere florebat, & adjuvante Domino etiam in posterum florebit, tollendam, ac profus eliminandam, animarumque salutem in primis consulere volentes, omnibus, & singulis dicti Regni Archiepiscopis, &

Episcopis, eorumque Officialibus, & ad quos de jure, & consuetudine pertinet, per praesentes mandamus, ac sub interminatione divini iudicii districtius injungimus, ut in suis quisque Ecclesiis, Civitatibus, Diocesis, & locis etiam exemptis, ad praedicta studiose attendant, & in eos, qui in confidentiae crimine, praesertim vero in aliquo ex casibus superius expressis, etiam per praesumptiones, & conjecturas praedictas deliquisse constiterit, severe animadvertant. Qui si in praemissis exequendis negligentiores fuerint, eorum negligentiam suppleri volumus a Capitulis Ecclesiarum Metropolitanarum, & Cathedralium, ac etiam Collegiatarum, ubi de beneficiis ipsarum Collegiatarum Ecclesiarum agatur, ac etiam ab Abbatibus, seu Prioribus, Clausuralibus, & Conventibus Monasteriorum, aliorumque regularium locorum, ubi de eorumdem Monasteriorum, seu locorum officis, & beneficiis quaestio extiterit.

Appellationem non suspensivam coedit.

§.4. Et nihilominus appellationes a sententis, quas contra delinquentes huiusmodi fieri contigerit, ad proximos superiores juxta canonicas sanctiones devolvi, executionem tamen sententiarum praedictarum minime impedire, aut retardare.

Beneficia ex hoc crimine vacantia per Ordinarios d. Regni concessi indulget.

§.5. Beneficia vero occasione confidentiae huiusmodi ad praesens vacantia, & in posterum vacatura ab ipsorum beneficiorum ordinariis collatoribus, perinde, ac si dispositioni dictae Sedis Apostolicae minime reservata fuissent, libere conferri, & de illis provideri posse, & debere decernimus, dum tamen talium criminum participes, aut consentientes non fuerint. Quo casu, ac etiam ubi iidem ordinarii collatores per sex menses a die detectae, & comprobatae, seu convictae confidentiae beneficia ipsa, ut praesertim, vacantia, canonice conferre, & de illis providere neglexerint, beneficiorum eorumdem Collatio, & provisio ad proximos superiores devolvatur. Quae vero beneficia de jure patronatus laicorum fuerint, ad eorumdem patronorum praesentationem, dummodo in crimine huiusmodi non fuerint participes, conferri. De Ecclesiis vero, ac Monasteriis, aliisque beneficiis Ecclesiasticis, ac carissimis in Christo filii nostri Henrici Tertii Francorum Regis Christianissimi nominationem spectantibus, novam ipsius Regis nominationem juxta concordata, seu indulta a Sede Apostolica ei concessa volumus expectari.

§.6. Fructus vero ex Ecclesiis, Monasteriis, & aliis beneficiis praedictis male, & indebite perceptos, in usum, ac reparationem Ecclesiarum, Monasteriorum, & beneficiorum praedictorum, super quibus confidentia huiusmodi contracta, & commissa fuerit, per Archiepiscopos, Episcopos, seu Officiales, aliosque praedictos converti, & applicari posse volumus, ac decernimus.

Fructus eorundem usui Ecclesiarum applicari jubet.

§.7. Magnopere hortantes, & enixe in Domino requirentes eundem Regem Christianissimum, ut omne studium, operam, &

Hortatur Regem ad exequendum.

Abfolutio  
a cenfura  
reftituta.

& auctoritatem ad praedicta peragenda, & exequenda praestare, & impertiri velit.  
§.8. Abfolutionem autem a cenfuris, & poenis, ac irregularitatibus propter crimen confidentiae hujusmodi quomodolibet incurfis pro tempore existentis nostro, & Sedis Apostolicae apud Regem praedictum Nuncio, & quo ad Provinciam sub Legatione Avinionen. comprehensas eidem Avinionen. Legato, cum facultate etiam alios subdelegandi, de quorum pietate, & prudentia magis confidant, per praesentes committimus, & demandamus.

Derogatio  
contractionum

§.9. Non obstantibus Pii Quarti, & Pii Quinti Praedecessorum praedictorum literis, quas quo ad dictum Regnum in superius expressis diximus relaxandas, & moderandas, illis nihilominus quo ad alia Regna, & loca in suo robore duraturis, aliisque Apostolicis Constitutionibus, privilegiis quoque, & indultis, generalibus, vel specialibus quorumcumque tenorem existant, per quae praesentibus non expressa, aut in totum non inserta praesentium effectus, & executio impediri valeat quomodolibet, vel differri, & de quibus, eorumque totis tenoribus habenda sit in nostris literis mentio specialis, ceterisque contrariis quibuscumque.

Fides exem-  
plorum.

§.10. Volumus autem, ut praesentium exempla etiam impressa edantur, eaque Notarii publici manu, & cujusque curiae Ecclesiasticae ejusve Praelati sigillo obfignata, eandem illam prorsus fidem in judicio, & extra ubique locorum faciant, quam ipsae praesentes facerent, si essent exhibitae, vel ostensa.

Sancio pe-  
nalis.

§.11. Nulli ergo omnino hominum liceat hanc paginam nostrorum mandati, injunctionis, decretorum, hortationis, requisitionis, commissionis, demandationis, & voluntatum infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

D. P. An. III.  
15. Augusti.

Datum Romae apud Sanctum Marcum, Anno Incarnationis Dominicae, millesimo quingentesimo octuagesimo septimo Idus Augusti, Pont. nostri Anno III.

XCVII.

Studii generalis Almae Urbis regimen Collegio Advocatorum Consistorialium confertur, cum antiquorum Privilegiorum, confirmatione, & Praecedentiae concessione.

De hujus Studii erectione, & indultis, vide in Bonif. VIII. Const. XVI. in supremae. Tom. III. Par. II. fol. 95. De Advocatis autem Consistorialibus, vide in Bull. IV. Martini V. in Apostolicae Tom. III. Par. II. fol. 428.

SIXTUS EPISCOPUS  
SERVUS SERVORUM DEI  
Ad perpetuam rei memoriam.

Proemium.

SAcri Apostolatus ministerio, meritis licet insufficientibus, superna dispositione

praesidentes, inter ceteras curas, quae animum nostrum delectant illam libenter suscipimus, per quam nostrae provisionis auspiciis, officia singula, praesertim in hac Urbe nostra consistentia, illorumque regimina, viris committantur idoneis, quorum opere, & auxilio adolecentes, studii bonarum artium causa, & diversis mundi partibus ad ipsam Urbem confluentes, eorum animos, virtutibus, & bonis moribus feliciter excolere valeant, ac desuper officii nostri partes interponimus, prout in Domino conspiciamus salubriter expedire.

Revocatio  
concessionum  
regimini Stu-  
dii cuiusque  
concessi.

§.1. Sane licet alias officium Rectoratus Gymnasii Almae Urbis, uni ex Praelatis Romanae Curiae ad ejus vitam concedi, & assignari solitum fuerit, &c. Nihilominus attendentes, quod si dictum Officium Collegio dilectorum filiorum sacrae Aulae nostrae Consistorialis Advocatorum perpetuo uniretur, annecteretur, & incorporaretur, idem officium feliciter gubernaretur, ac utilitati publicae, & ipsius Gymnasii plenius consulere, cum in dicto Collegio semper adsint viri literarum scientia, rerum experientia, ac usu, & prudentia praestantes. Idcirco quaslibet concessionem, assignationem, ac alias dispositiones de dicto officio per Nos, ac praedictum, ac quovis alios Praedecessores nostros, dictis, & aliis quibuscumque personis haecenus factas, praemissis, & certis aliis rationabilibus causis adducti, harum serie specialiter, & expresse revocantes, cassantes, irritantes, & annullantes, illasque prorsus, & omnino revocatas, cassas, irritas, & annullatas esse, & censei debere declarantes, easdemque personas a praedicto officio penitus amoventes, ac utilitati publicae prospicere, ipsumque Collegium, ac illius singulares personas, a quibuscumque excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes, ac distarum literarum tenores praesentibus pro sufficienter expressis habentes.

Concessio di-  
sti regimini  
cum suis oneribus,  
honoribus & emolumentis, Col-  
legio Advoca-  
torum Con-  
sistorialium.

§.2. Motu proprio non ad Collegii praedictorum, vel aliorum pro ipsis Nobis super hoc oblatae petitionis instantiam, sed de nostra mera liberalitate, & ex certa scientia nostra, deque Apostolicae potestatis plenitudine, Officium Rectoratus Gymnasii Urbis hujusmodi, per ipsos Collegium regendum, & gubernandum, juxta providam dispositionem, & ordinationem, per eos, vel eorum majorem partem faciendam, & toties, quoties eis, vel eorum majori parti expedire videbitur, mutandam, cum omnibus, & singulis illius fructibus, redditibus, proventus, juribus, obventionibus, & emolumentis universis, & quibuscumque tam ordinariis, quam extraordinariis, & quae alii, qui pro tempore fuerint Rectores dicti Gymnasii, quovis modo habuerunt, seu habere potuerunt, ac quibuscumque honoribus, necnon cum quibuscumque honoribus, on-

Præcedentia  
ante alios Ad-  
vocat. & Do-  
ctores etiam  
antiquiores eis-  
dem datur.

onentibus, praeminentiis, ante lationibus, praerogativis, jurisdictionibus, auctoritatibus, facultatibus, libertatibus, immunitatibus, & exemptionibus, privilegiis, & indultis, solitis, ac consuetis, & quibuscumque aliis concessionibus, & gratiis, tam ultimis, quam alii Rectores dicti Gymnasii, quavis ratione, vel causa, usi, gavisi, & potiti fuerunt, ac uti, gaudere, & potiri potuerunt, Collegio Advocatorum hujusmodi, ita quod liceat ipsis Collegio, per se, vel alium, seu alios eorum, & Collegii hujusmodi nominibus, corporalem, realem, & actualem possessionem dicti officii apprehendere, ac perpetuo retinere, illiusque fructus, redditus, proventus, jura, obventiones, & emolumenta percipere, exigere, & levare, & in suos, ac Collegii, & officii hujusmodi usus, & utilitatem convertere. Ipsumque officium per se, & quemlibet eorum exercere, regere, & gubernare, ac omnia, & singula quoad hujusmodi officium, ejusque liberum exercitium spectant, & pertinent, gerere, & facere cujusvis licentia desuper minime requisita, auctoritate Apostolica tenore praesentium perpetuo unimus, annectimus, & incorporamus &c.

Præcedentia  
ante alios Ad-  
vocat. & Do-  
ctores etiam  
antiquiores eis-  
dem datur.

§.3. Ac, ut Collegium, & Advocati hujusmodi, qui majoribus occupationibus detinentur, majoris etiam dignitatis titulo decorentur, omnibus, & singulis praedictae Aulae Consistorialis Advocatis, ut ipsi universos, & quoscumque Advocatos, Procuratores, Doctores, etiam antiquiores, & quoscumque alios, tam in Romana Curia, quam extra eam praecedant.

Doctorendi  
facultas, & a-  
lia quaecum-  
que privilegia  
confirmantur.

§.4. Omniaque, & quaecumque privilegia eidem Collegio, & Advocatis, per quoscumque Romanos Pontifices Praedecessores nostros, & praecipue per pie memoriae Julium Papam Tertium etiam Praedecessorem nostrum, super facultate Doctores creandi, etiam private quo ad alios, quae privilegia, & literas Apostolicas desuper concessas, eorum tenorem praesentibus etiam pro expressis habentes, auctoritate, & tenore praedictis confirmamus, & innovamus, & quatenus opus sit, de novo concedimus, Motu, scientia, ac potestatis plenitudine praedictis. Ac universis, & singulis cujuscumque conditionis, status, gradus, dignitatis, & honoris, ne sub indignationis nostra, aliusque arbitrio nostro imponendis poenis, eisdem Collegium Advocatorum, in praemissis, vel circa ea, aut in eorum aliquo quomodolibet impedire, molestare, perturbare, seu inquietare, contra praesentium continentiam, & tenorem ullatenus audeant, vel praesumant, districtius inhibemus, necnon omnibus, & singulis, ad quos spectat, & spectabit quomodolibet in futurum, ut haec omnia plene observent, & observari faciant, praecipimus.

Clausulae pre-  
servatae.

§.5. Decernentes unionem, annexionem, incorporationem, applicationes, indultum, inhibitionem, ac praecipuum praedicta, praesentisque literas, nullo umquam tempore, etiam ad praedictorum, & aliorum quorumvis instantiam, etiam ex quacumque Bull. Rom. Tom. IV. Par. IV.

que, & inexcogitata causa, etiam sub praetextu, quod in forma juris facta non fuerint, revocari, alterari, limitari, modificari, aut ad terminos juris communis reduci, vel quempiam adversus illa in integrum restitui, seu de subreptionis, vel obreptionis, aut nullitatis vitio, seu intentionis nostrae, aut alio quovis defectu notari, vel impugnari posse, dictosque Collegium ad causam, seu causas, propter quas illa emanarint, coram quocumque verificandum non teneri, nec propterea, aut ex eo quod interesse praetendentes vocati non fuerint, per subreptionem, vel obreptionem obtenta praesumi, aut alias viribus carere, ac illorum quasvis revocationes, suspensiones, derogationes, vel limitationes, pro tempore factas, & emanatas, pro nova illorum concessione haberi, ac quoties illa emanabunt, toties renovata, & de novo concessa, etiam sub datum per eisdem Collegium eligenda censei, ac Collegium hujusmodi eorumdem locorum emptores, & quoscumque alios in praemissis interesse quomodolibet praetendentes, ad probandum, seu verificandum praemissa, & in quos usus praedicta summa conversata fuerit, nullo umquam tempore tenent. nec locorum hujusmodi proventus, in sortem principalem computari.

Decretum im-  
ritant.

§.6. Sicque per quoscumque Judices, & Commissarios, etiam causarum Palatii Apostolici Auditores hujusmodi, ac Sanctae Romanae Ecclesiae Cardinales, etiam de latere Legatos, ac alios quoscumque, sublata eis, & eorum cuilibet quavis aliter iudicandi, & interpretandi facultate, & auctoritate, in quavis instantia iudicari, & desiniri debere, & irritum &c.

Deputatio  
executoris.

§.7. Quocirca dilecto filio Magistro Evangelista Palotto, Datario, & Praelato domestico nostro, Motu simili per Apostolica scripta mandamus, quatenus ipse, per se, vel alium, seu alios faciat auctoritate nostra, Collegium, ac illius Advocatos praedictos unionem, annexione, incorporatione, permissione, concessione, impartitione, confirmatione, innovatione, inhibitione, & decreto, aliisque praemissis, pacifice frui, & gaudere. Non permittentes eos, & eorum quemlibet desuper contra praesentium tenorem quomodolibet, per quoscumque indebite molestari. Contradictores per censuras, & poenas ecclesiasticas, aliaque opportuna juris, & facti remedia, appellatione postposita, compescendo.

Derogatio  
contractionum

§.8. Non obstantibus praemissis, ac nostra de non tollendo jure quaesito, & aliis Cancellariae Apostolicae regulis, ac quatenus opus sit, Lateranensis Concilii novissime celebrati unionem perpetuas, nisi in casibus a jure permittis fieri prohibent, & aliis Constitutionibus, & Ordinationibus Apostolicis, necnon Urbis, & Advocatorum, ac Gymnasii, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Urbi, Collegiisque, & Tribunalibus, ac Gymnasii illius, ipsorumque Superioribus, & per-

& personis, ac dilectis filiis Populo Romano, sub quibuscumque tenoribus, & formis, ac cum quibusvis etiam derogationum derogationis, aliisque efficacioribus, & insolitis clausulis, irritantibusque, & aliis decretis, per quoscumque Prædecessores nostros, etiam iteratis vicibus, aut alias quomodolibet in contrarium concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua exquisita forma ad hoc servanda foret, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque. Volumus autem &c. Nulli ergo &c.

D.P. An.III. 23. Augusti. Datum Romæ apud S. Marcum, Anno Incarnationis Dominicæ 1587. Decimo Kalend. Septembris, Pontificatus nostri Anno tertio.

XCVIII.

Declaratio circa proprietatem, olim Congregationi Canonicorum secularium Sancti Georgii in Alga Venetiarum, absolute interdictam.

Alia de institutione, & statu hujus Congregationis videnda sunt in Constitut. II. Gregorii XII. Illius Tom. III. Par. II. fol. 405.

SIXTUS PAPA QUINTUS

Ad futuram rei memoriam.

Proœmium.

Circumspecta Romani Pontificis benignitas, fidelium quorumlibet sub regulari observantia pie vitæ studio vacantium, necessitatibus, & commoditatibus intendens, nonnunquam ab eo provide statuta moderatur, ac que sacrarum Religionum, & sanctionum decreta generaliter interdicit, fidelibus ipsis ex Apostolica potestate plenitudine sibi tradita relaxat, & specialiter permittit, prout illorum statui, & conscientie purificationi conspici salubriter expedire.

Hic Pontifex Canonicis, & fratribus Congregationis proprietatem strictè interdixerat, solamque vicid & vestitiis eis subministrari iusserat.

§.1. Sane licet alias Nos, ut abusus habendi proprium, & retinenda proprietatis pecuniarum, ac bonorum, etiam plerumque male acquisitorum, qui inter plures Canonicos, seu Fratres Congregationis Sancti Augustini, contra expressum paupertatis votum ab eis emissum irrepererat, extirparetur, & simul dissolutioni ari alieni, quo universa Congregatio gravata erat, ac aliis illius necessitatibus provideretur, universos, & singulos ejusdem Congregationis Fratres, seu Canonicos, ac Priores etiam generales, privato, & proprio rerum, bonorumque omnium, mobilium, & se moventium dominio, usu, usufructu, possessione, proprietate, & etiam pecuniis a quocumque pecunio quomodolibet acquisitis, vel obtentis, per alias nostras literas perpetuo privaverimus, ac omnia, & quæcumque privilegia, dispensationes, licentias, permissiones, &

indulta unicuique eorum tam Apostolica, quam suorum Superiorum, etiam Generalis, Prioris, vel Capituli dictæ Congregationis auctoritate desuper concessa, confirmata, & innovata, revocaverimus, & annullaverimus, ac omnino prohibuerimus ne quis Frater, vel Canonicus ejusdem Congregationis, quocumque officio, vel dignitate, etiam Prioris generalis fungens, proprium quicquam, aut peculiare haberet, & a ceteris separatim sibi vendicaret, aut possideret, nec similes licentias, seu permissiones per quoscumque dictæ Congregationis Superiores, aut etiam Capitulum generale alicui unquam desuper concederetur. Insuper præceperimus, & mandaverimus, ut res, pecunie, debitorum nomina, redditus, taxæ, ac alia omnia, ut quæcumque bona supradicta, per singulos Fratres, seu Canonicos, qui aliquid tale privatim possiderent, in uno loco communiter a Priore, & Fratribus cujuscumque domus designando actu, & re ipsa intra certum tunc expressum tempus deponerentur, & quo ad dominium, possessionem, & usum in commune conferrentur, hisque perfectis, statim uniusquisque Prior cujuslibet domus generalem Priorem de his omnibus diligenter certiorerem faceret, transmissio ad eum inventario, in quo præmissa omnia antea privatim retenta, deinde vero in commune collata descripta essent. Demum ipse Prior generalis, vicium, & vestitum, ac quantum rei convenientis præsens necessitas videretur postulare, cuique Canonico, seu Fratri congrue suppeditari curaret. Id autem omne, quod reliquum esset, in extinctione eris alieni, quo singula domus, vel tota Congregatio communiter obstricta erat, converteretur, aut ipsius domibus, vel universæ Congregationi ad communes usus, & nec sitates subleandas perpetuo applicaretur.

§.2. Quicumque autem literis nostris prædictis continuo non obtemperarent, vel ante illarum publicationem, pecunias, & alia prædicta occultarent, sive intra, vel extra domus prædictas deponerent, & etiam in pias causas converterent, aut alicui pio loco assignarent, quique alios Canonicos, seu Fratres inobedientes, non statim Superioribus, ut præfertur, denunciarent, in pœnam privationis dignitatum, & officiorum suorum inciderent, & ad ea in posterum obtinenda inhabiles censerentur, ac pro crimine etiam tanquam fures severe punirentur, & excommunicationis sententiam incurrerent eo ipso, a qua non nisi in mortis articulo constituti, ab alio quam Romano Pontifice absolutionis beneficium valerent obtinere, prout in literis prædictis plenius continetur.

§.3. Nihilominus cum sicut accepimus, literæ ipse fuerint debite executioni, quantum commode fieri potuit, demandata, etiam ari alieno hujusmodi propemodum dissoluto, opere pratium fore censemus, circa prohibitionem nostram prædictam in omnes paulo severius interpositam, moderationis remedium adhibere, ac in futurum pro-

Contravenitibusque poenas imponeretur, ut in ejus Bulla quam vni hic sustinerent enunciatam ponere nolui.

Nunc idem Pontifex ex causis hic expressis, de eius prohibitionis moderatur, & reducit ad terminos Concilii Tridentini, & Constitutionum ipsius Congreg.

prospicere, ne stante prohibitione hujusmodi multorum animæ censuris prædictis in salutis suæ perniciem illaqueata remaneant, & non solum Fratres, seu Canonici prædicti a rebus, pecuniis, & bonis ad vitæ remedium, suis industria, & labore acquirendis, sed etiam eorum parentes, consanguinei, ab eleemosynis, donationibus, legatis, relictis, & aliis subventionibus eis privatim faciendis retrahantur, & exinde Congregatio ipsa, rerum, bonorum, donationum, legatorum, relictorum, & subsidiorum hujusmodi successione destituatur, ac graviora dispendia, & expensarum onera subire cogatur in sublevandis necessitatibus eorundem Fratrum, seu Canonicorum, qui alias sine suæ cujusque domus incommodo, & dispendio se possent commode sustentari. Quocirca de Nobis attributa potestatis plenitudine, omnes & singulas censuras, & poenas in proprietarios, & alios prædictos, dictarum literarum series promulgatas, ad eas dumtaxat, que decretis sacrorum Canonum Concilii Tridentini, ac Ordinis, & Congregationis prædictorum regulis, & Constitutionibus contra tales statuta sunt, Apostolica auctoritate, tenore præsentium reducimus, & moderamus, ac prohibitionem, & alia prædicta, necnon omnia, & singula in eisdem nostris literis contenta, ad hoc ut deinceps Prior generalis pro tempore existens, necnon ii ex dictis fratribus, seu Canonicis, quibus id ab ipso Priori generali, aut aliis eorum Superioribus specialiter permittum, aut indultum fuerit, ex pecuniis, rebusque & bonis unicuique eorum sigillatim intuitu persona suæ donatis, vel relictis, ac in posterum donandis, vel relinquendis, aut suis labore, & industria, vel alias undecumque, licite tamen, & legitime, acquisitis, ac acquirendis, exceptis pecuniis per eisdem Fratres, & Canonicos vigore dictarum literarum ubicumque depositatis, quas in Monasteriorum, & Congregationis hujusmodi utilitatem omnino cedere volumus eam partem, & portionem, quæ pro eorum moderato victu, & vestitu, ac occurrentibus necessitatibus, secundum ejusque gradum, & qualitatem necessaria videbitur, privatim percipere, habere, retinere, ac in suos usus, & necessitates hujusmodi convertere libere, & licite, sine alicujus pœnæ, vel censura incursum, possint, & valeant, Apostolica auctoritate, & tenore præsentis relaxamus, eisque desuper indulgemus.

§.4. Necnon Priori generali, & aliis Superioribus Congregationis hujusmodi, ut quoscumque illius Fratres, seu Canonicos, qui hæcenus præmissorum occasione excommunicationis vinculis, & aliis censuris prædictis irretiti, ad ipsos humiliter recurrent, & absolutionem petierint, prævia debita restitutione, seu satisfactione, si quæ fuerit facienda, ab excommunicationis, & aliis censuris propterea incursum absolventi, & totaliter liberandi, dictasque poenas eis remittendi, & condonandi, omnemque inhabilitatis, & infamiae maculam, sive notam Bull. Rom. Tom. IV. Par. IV.

Superioribusque Ordinibus facultate concedi remittendi poenas incursum.

contra eos præmissorum occasione quomodolibet insurgentem ab eis abdicandi, ipsosque, & eorum singulos in pristinum, & eum, in quo antea quomodolibet erant, statum restituendi, reponendi, & plenarie reintegrandi, plenam, & liberam eisdem auctoritate, & tenore concedimus facultatem.

§.5. Non obstantibus prohibitionibus, aliisque præmissis, & Apostolicis, ac in Provincialibus, Synodalibus, & universalibus Conciliis editis, specialibus, vel Synodalibus Constitutionibus, & Ordinationibus, necnon Congregationis, Ordinis, & domorum hujusmodi, etiam juramento, confirmationem Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

§.6. Volumus autem, quod earundem præsentium transumptis &c.

Datum Romæ apud Sanctum Marcum sub Annulo Piscatoris, die 5. Sept. 1587, Pontificatus nostri Anno III.

Clausula derogatoria.

Fides exemplorum. D. P. An. III. 5. Septembris.

XCIX.

Prohibitio admittendi ab Beneficia Regni Valentie, alienigenas Regnorum Hispanie, in quibus ipsi Valentini ad similia non admittuntur.

SIXTUS EPISCOPUS

SERVUS SERVORUM DEI

Ad perpetuam rei memoriam.

IN Sacrosancto Beati Petri Principis Apostolorum Solio, nullis nostris meritis, sed sola Redemptoris nostri benignitate constituti, in universi Orbis Regionibus, & Provinciis, præsertim Infidelibus, & barbaris nationibus adjacentes, aciem nostræ meditationis more vigilis Pastoris Dominici gregis passim reflectimus, & ut ibidem divini nominis, ac Catholicæ Religionis cultus feliciter conservetur, & effloreat, illarumque indigenæ fidei, & devotionis erga Sanctam Sedem sinceritate Apostolicis favoribus, ac spiritualibus, & temporalibus adjumentis jugiter conserveantur, opem, & operam libenter intendimus, ac in his Pastoralis Officii nostri partes favorabiliter interponimus, prout Regionum, & Provinciarum hujusmodi publicæ utilitati, & felici statui, ipsorumque indigenarum ad Ecclesiasticæ ministeria, & literarum studia, directioni, & commoditati cognoscimus in Domino salubriter expedire.

§.1. Cum itaque, sicut accepimus, Regnum Valentie in citeriori Hispania consistens angustissimos fines habeat, & nihilominus populi multitudine referatur, & in illius Metropoli Universitas Studii generalis celeberrima a fel. rec. Alexandro Papa VI. Prædecessore nostro inde oriundo ad ipsius Regni indigenarum, & quorumcumque aliorum ibi confluentium, necnon Theologia, ac utriusque juris, & aliis optimis scientiis vacare affectantium instructionem, atque profectum instituta, & ab eo, ac etiam nuper

Proœmium.

Causa hujus Congregationis.

per a Nobis variis amplissimisque privilegiis, & gratiis ornata existat, & alienigena, praesertim ex Hispaniarum Regnis, Provinciis, & dominiis, & illis adjacentibus insulis oriundi, dignitates, Canonicatus, praebendas, & alia beneficia Ecclesiastica in dicto Regno Valentiae constituta ambientes, si qui de illis provideri, ac fructus eorumdem, & seu pensiones desuper reservari procurant, & passim absque ullo obstaculo ad beneficia, fructus, & pensiones hujusmodi recipiantur, & admittantur, ipsius vero Regni Valentiae indigenae in aliis Regnis, Provinciis, dominiis, & insulis praedictis, praetextu quorundam privilegiorum, & indulgentiarum Apostolicorum, seu Constitutionum, aut sanctionum, pragmaticarum nuncupatarum, vel consuetudinum ibidem vigentium ab affectione quorumcumque beneficiorum, & perceptione fructuum, & pensionum omnino excludantur, ac repellantur, & exinde plerique eorum, qui assiduis laboribus, & vigiliis, maximisque impensis in dicta Universitate tamquam ingeniarum artium, ac sacrarum, & aliarum scientiarum uberrimo seminario, virtutis, & doctrinae femina susceperunt, & in agro Dominico, si ad illius culturam vocarentur, salutaria germina, quae Altissimo lectissimos fructus suo tempore redderent, producere, sibi que ipsi, & aliis ad salutem, ac Catholicam Religionis, Fideique propagationem, & conservationem prodesse possent, nequeutem beneficia Ecclesiastica, aut fructus, vel pensiones pro eorum decenti sustentatione, neque in patria solo, propter exterorum illa occupantium frequentiam, minusque extra illud assequi, exacta iam aetate, & facultatibus suis consumptis, veluti inertes arumnosam, & miserabilem vitam ducere, ac paupertatem in senectute (quod durissimum est) tolerare cogantur, alii vero illorum, conditione perterriti, & spe affectionis beneficiorum hujusmodi desituti, se clericali militiae adscribi, ac in disciplinis, & ministeriis Ecclesiasticis, sacrarumque literarum studiis se exercere non curent. Et denique proceres, nobiles, & alii incolae ejusdem Regni Valentiae a beneficiorum fundatione, ac jurium eorumdem, libertatisque Ecclesiasticae defensione, & tuitione quodammodo retrahantur.

Ad beneficia Regni Valentiae quovismode vacatura, indigenae ejusdem Regni in eo vete nati, & non alienigena a litterarum Regnorum Hispaniae admittantur.

§.2. Nos statui indigenarum Regni Valentiae hujusmodi paterna caritate compatiientes, ac aequum, & rationi consonum esse censentes, ut ipsi in beneficiorum ejusdem Regni affectione exteris preferantur, aut saltem ad beneficia aliorum Regnorum, Provinciarum, Dominiorum, & Insularum hujusmodi ad instar incolarum eorumdem aequo jure admittantur, ac eandem conditionem experiantur, ac propterea pro Pastoralis officii nostri munere, praemissis incommodis occurrere, & desuper opportune providere volentes, ipsosque indigenas, ac eorum singulos a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine, quavis oc-

casione, vel causa latis, si quibus quomodolibet innodati existunt, ad effectum praesentium duntaxat consequendum, harum serie absolventes, & absolutos fore censentes, necnon beneficiorum in dicto Regno Valentiae constitutum qualitates, quantitates, innovationes, nuncupationes, denominationes, situationes, & illorum fructuum veros annuos valores praesentibus pro expressis habentes, Motu proprio, non ad indigenarum praedictorum, vel alicujus ipsorum, aut alterius, seu aliorum pro eis Nobis super hoc oblatae petitionis instantiam, sed ex mera deliberatione, & certa scientia nostra, ac de Apostolicae potestatis plenitudine, hac nostra in perpetuum valitura Constitutione statuimus, & ordinamus, quod ex nunc deinceps perpetuis futuris temporibus, omnia, & singula beneficia Ecclesiastica in universo Regno Valentiae hujusmodi, nunc, & pro tempore consistentia, etiam si Canonicatus, & praebenda, dignitates etiam majores post Pontificales, & principales personatus, administrationes, & officia, etiam curata, & electiva, in Metropolitana, & aliis Cathedralibus, ac Collegiatis Ecclesiis, necnon Parochiales Ecclesiae, seu earum perpetuae Vicariae, ac in Romana Curia, vel extra eam litigiosa, & de jure patronatus, etiam Regum, Ducum, vel aliorum laicorum, etiam nobilium, & illustrium, seu eorum, & Clericorum mixtim, etiam ex fundatione, vel donatione, aut indulto Apostolico seu alias quomodolibet qualificata sint, vel fuerint, quoties illa per cessum, etiam ex causa permutationis, vel decessum, seu quamvis aliam dimissionem, vel amissionem, aut privationem ea pro tempore obtinentium, seu jus in illis, vel ad illa habentium, aut alias quovis modo etiam apud Sedem praedictam, ac etiam in aliquo ex mensibus, in quibus vacantium beneficiorum Ecclesiasticorum dispositio Nobis, & Sedi Apostolicae etiam per Constitutiones Apostolicas, seu Cancellariae Apostolicae, regulas est, vel pro tempore fuerit reservata, vel etiam Ordinariis Collatoribus per eandem Constitutiones, seu regulas, vel litteras alternatarum, aut alia privilegia, & indulta concessis haecenus, & in posterum concedendis, simul vel successive vacare contigerit, etiam si actu nunc, ut praesertur, vel alias quibusvis modis, & ex quorumcumque personis vacent, ac ex eo quod beneficia ipsa obtinentes, seu in illis, vel ad illa jus habentes, nostri, & quorumcumque aliorum Romanorum Pontificum Praedecessorum, seu Successorum nostrorum, aut S. R. E. Cardinalium, etiam viventium, & in dicta Curia praesentium familiarum, continui commensales, seu dictae Sedis Notarii, Subdiaconi, Acolythi, Cappellani, literarum Apostolicarum Abreviatores, Scriptorum, Cubicularii, Scutiferi, proventus, & jurium Camerae Apostolicae debitorum Collectores, & Subcolletores, seu quicumque alii Curiae, & Sedis praedictarum officiales, etiam sub diversis

versis Constitutionibus sel. recor. Pauli Papae IV. Praedecessoris nostri, suorum, & pro tempore existentium Romanorum Pontificum familiarium, continuorum commensalium; declaratoris comprehensi, praesentes, & futuri quocumque nomine nuncupati, seu ex quavis alia causa dispositioni Apostolicae specialiter, vel alias generaliter reservata, aut ex generali reservatione Apostolica affecta, seu ad Sedem eandem devoluta existant, vel fuerint, solis indigenis dicti Regni, vere, realiter, & non ficte in eo natis, & nascituris, affecta, & debita, praedictae alienigenae ad hujusmodi beneficia, in titulum, commendam, administrationem, vel alias quomodolibet obtinendum, aut illorum fructus, redditus, proventus, & obventiones, distributiones, & emolumenta quacumque seu super eis pensiones annuas percipiendum, omnino inhabiles, ac incapaces, & si ullo unquam tempore eadem beneficia etiam ad illorum patronorum praesentationem sibi conferre, aut de illis provideri, seu fructus, redditus, proventus, & pensiones hujusmodi reservari obtinuerint, aut collationibus, provisionibus, institutionibus, reservationibus, & aliis dispositionibus ipsis desuper factis, seu etiam Motu simili concessis, uti, seu eas ratas, & gratas habere praesumpserint, omni, & quocumque beneficio, & officio Ecclesiastico per eos, etiam extra dictum Regnum ubicumque obtento, eo ipso absque aliqua declaratione desuper facienda, privati existant.

Collatoresque in praemissis contravenientes poenis hic expressis affectantur.

§.3. Necnon quicumque Ordinarii, & alii inferiores collatores, ac etiam patroni, qui contra praemissa quicumque attentare praesumpserint, a quorumcumque beneficiorum collatione, provisione, electione, praesentatione, institutione, & quacumque alia dispositione, prout cuique competierit, tandiu suspensi remaneant, donec remissionem a Romano Pontifice pro tempore existente meruerint obtinere. Et nihilominus si sic suspensi conferre, providere, eligere, praesentare, instituire, aut alias quomodolibet disponere ausi fuerint, excommunicationis latae sententiae poenam eo ipso incurrant, nec ullus alius quam Romanus Pontifex pro tempore existens, sive absolutiois, sive relaxationis beneficium, excepto mortis articulo, valeat eis impartiri.

Notarii quoque super admissis possessione beneficiorum dicti Regni Valentiae per alios, quasi Nativis d. Regni scripturam aliquam confidentes poenis hic descriptis plebantur.

§.4. Notarii vero, & tabelliones, etiam Apostolica, vel Imperiali aut Regia, seu alia quacumque auctoritate creati, qui super adipsenda possessione cujuscumque beneficii in dicto Regno Valentiae pro tempore rogabuntur, nisi prius eis sive dignorum testimonio, aut alias legitime constiterit, eum, cui possessio ipsa fuerit tradenda, vere, realiter, & non ficte in eodem Regno Valentiae natum fuisse, ullum omnino super actu possessionis hujusmodi instrumentum publicum, aut quacumque aliam etiam privatam scripturam conficere, seu in protocollum redigere minime valeant,

& si secus fecerint, crimen falsi eo ipso etiam incurrant, necnon ad hujusmodi, ac quaecumque alia munera, & officia, publicaeque functiones similiter inhabiles existant.

Alienigena autem praedicti admittentur ad beneficia juris patronatus si in fundationibus ea, veant per oriundos de genere fundatorum duntaxat illa obtineri posse.

§.5. Et quicumque Judices Ordinarii, vel delegati, coram quibus litem contra quemcumque alienigenam in quovis beneficio contra praesentium tenorem intrusum, tam in dicta Curia, quam extra eam moveri contigerit, cum primum sibi legitime constiterit, beneficium ipsum ab alienigena detineri, possessionem, ac fructus, redditus, & proventus ejusdem beneficii, donec iis, ad quos de jure spectabant, adiudicentur, sequestrare, ac sub arcto, & firmo sequestro ponere debeant, & teneantur. Ita tamen, ut in fundationibus beneficiorum de jure patronatus laicorum, seu illorum, & clericorum, mixtim, ut praesertur existentium, caveatur expresse, quod non nisi per clericos, seu presbyteros de ipsorum fundatorum genere, & familia oriundos obtineri possint, eo casu etiam alienigenae, de genere, seu familia fundatorum hujusmodi ad illa praesentari, ac in eis institui libere possint, nec sub praesenti statuto quo ad affectionem talium beneficiorum comprehendantur.

Et etiam alienigenae alicujus Regni Hispaniae in quo ipsi Valentini ad beneficia admittantur.

§.6. Et quatenus ullo unquam tempore licuerit, & permillum fuerit praedictis indigenis beneficia, fructus, & pensiones in aliquo ex aliis Regnis, Provinciis, Dominis, & Insulis praedictis, libere, & indifferenter absque aliquo obstaculo, perinde, ac si ibidem nati essent, obtinere, & percipere, ipsi quoque alienigenae ex tali Regno, seu Provincia, vel Dominio, aut Insula orti ad similia beneficia, ac fructus, & pensiones in dicto Regno Valentiae vicissim admitti debeant, & ad illa habiles, & capaces censeantur.

Collationes, & provisiones quocumque ad favorem alienigenarum, contra d. for. mansi fuerint, nullae erunt.

§.7. Decernentes omnes, & singulas collationes, provisiones, commendas, electiones, acceptationes, praesentationes, institutiones, & qualvis alias dispositiones de quibuscumque beneficiis dicti Regni Valentiae, ut praesertur, vel alias quomodolibet qualificatis, ac reservationes illorum fructuum, reddituum, proventus, & pensionum super eisdem in favorem dictorum alienigenarum, contra praesentis statuti formam, & tenorem, etiam per Nos, & quoscumque alios Romanos Pontifices Successores nostros, dictamque Sedem, ac illius Legatos etiam de Latere, & Nuncios, omnesque, & singulos alios jus, & facultatem conferendi, providendi, commendandi, eligendi, praesentandi, institutiendi, & alias quomodolibet de hujusmodi beneficiis disponendi, illorumque fructus, redditus, proventus, & super eis pensiones reservandi ab ipsa Sede habentes, necnon Ordinarios, & alios inferiores collatores, etiam ad Patronorum praesentationem, seu de illorum consensu pro tempore factas, ipso jure nullas, & invalidas, nulliusque roboris, vel momenti fore, & esse, ac pro nullis, & infectis haberi, nec per eas cuiquam jus, vel